

IOANN. COCHANOVII

IN NVPTIAS

ILLVSTRIVM IOAN. DE ZAMOSCIO,
R. P. Cancellarii, & exercituum
Præfecti: .

AC GRISELDIS BATHORRHEAE
Christophori Tranfiluaniae principis, et
Sereniss. STEPHANI Poloniae
regis fratris, filiae,

EPITHALAMION.



CRACOVIAE.

Anno Domini, M. D. LXXXIII.

Idib. Iun.

Ad lyram cecinit Christoph. Clabonus,
Musicus regius:

VERICOLO
ANNO 1710

Strophe I.



*I tibi, ô præses duelli
Mars, tua est cordi Dione,
si fatigatus iaculan-
do, equitandoq; haud soles
Aoniæ lyram, floresue odoros
aut platani veteris contemnere umbram:
annue, ut Samoscius tu-
us quoq; post diuturna solo in
hostico tractata bella,
post tot exhaustos labores*

Antistrophe I.

*hunc diem festumq;, lætumq;
exigat. belli Tyrannum
cæpit infæusti saties,
neque cristas iam erigit.
mæstitia tacitus, curaq; inani
cor edit ipse suum: non iam minax, non
asper, aut tuens acerbum:
quo domitando opera egregia
extitit tua, ô Samosci,
per triennalis procellas*

A ij

Epodos

Epodos I.

*belli, variamque hyemem.
vel nunc itaque
solicitudineque omni, et
omnibus curis tuum
exolve pectus candidum:
ut plenius, uberiusque
caelitum acceptare possis
munera indulgentium.
en virgo, Bathorrhriadum
stirpe nobili sata.
cui patrum rex, Daciae princeps pater,*

Strophe II.

*gaudio expletura dulci
cor tuum aduenit, tuosque
recreat praesens oculos:
venienti Phosphoro
par, ubi clara dies signum sui aduen-
tus medio exeruit caelo videndum.
ter beatum te, Samosci,
quem superi cumulare novis
gaudiis semper fuerunt.*

tu magistra-

tu magistratus supremos :

Antistrophe II.

*paceque, & gestas duello :
tu potentis dextra regis,
hostium eius perniciēs,
& alumnus gratiæ.
invidet hæc aliquis : verum labores,
excubiæque tuæ non invidentur.
at tu iter, coeptosque cursus
indomito urge animo, neque de-
terreare, quo laboranti
utilem minus, Samosci,*

Epodos II.

*præstes operam patriæ :
seu consilio,
sive iuuarier armis
machinas contra hostium,
artesque, & assultus velit.
maioraque pluraque virtus
& meretur, & volenti
numine expectat tua.*

Sed nos quoque, Mûsa, viam

A iij

ingredi

*ingredi nostram decet :
& nuptiali non abhorrens à lyma*

Strophe III.

*dædalum cultis Samosci
auribus sonare carmen.
cernó ne ? an fallunt oculi :
equidem fallunt nihil.
aureus exoritur vesper : viris lux
prospera, sed teneris tristis puellis.
quid, virago, expalluisti ?
nil ab amante viro metui.
hosticum par est : tibi ille
non diem, non annum in unum,*

Antistrophe III.

*omne sed durans in ævum,
est datus fatis amicus.
patriæ desiderium
animo vir deteret
comis, amansque tui : dulces parentum
nati in amore locum iam iam occupabunt.
quos tu, uti fecunda vitis
agricolæ studiosi opera*

ad viren-

*ad virentem, consita vlmum,
proferes, solatio patri*

Epodos. . III.

*ac præsidio patriæ.
hæc iam tibi ego,
nupta noua, ominor, utcumq;
audiens non audias.
hoc vir quoque exoptat tuus:
optare te idem quoque par est.
plurimum plus vota possunt,
& magis diuos mouent.
feliciter exigit
coniuges æuum boni, et
deos fauentes semper experimini.*



CRACOVIAE.

In officina LAZARI, Anno Domini,

I 5 8 3.

